



古今事文類聚

新集  
一  
三

~~X  
99  
71~~

逍遙文庫  
文庫6  
28  
71





新編古今事文類聚新集卷之一

南江富 大用 時可編

金陵唐 富春 子和刊

三師部

三公

歷代沿革太師太傅太保古官唐虞有百揆之職即三公殷太  
 甲以伊尹為太保紂以箕子為太師周成王立太師太傅太  
 保為三公少師少傅少保曰三孤以貳之至是始有定制二  
 公之職論道經邦燮理陰陽然未嘗備官周禮有六卿無二  
 公周公以冢宰兼太師則三公止為兼官而未嘗有專職可  
 見矣秦不師古以丞相御史大夫太尉為三公漢襲秦舊哀

傳文類聚新集 卷之一 三

平間以大司馬大司徒大司空為三公復置太師太傅太保始尊師傅位在三公上謂之上公後漢魏晉江左因之後魏特尊太師太傅太保為三師非勲德崇重者不居而三公則魏晉之舊也北齊因之後周遠擬周制置三公三孤以為論道之官隋唐復依魏晉之法置三師三公三孤三公不主事三公參議國之大事置府僚無其人則闕宋初無所政政和二年詔司徒司空周六卿之官太尉秦主兵之任非三公太尉司徒司空並罷依周制立三少以貳三公紹興復置太尉於三少之下元以太師太傅太保為三師太尉司徒司空為三公漢唐舊制也三師師範一人儀刑四海三公論道經邦燮理陰陽

群書要語立太師太傅太保茲惟三公論道經邦燮理陰陽官

不必備惟其人書周官坐而論道謂之三公禮冬官朝士掌建

邦外朝之法面三槐三公之位焉禮秋官保保其身體傳傳之

德義師道之教訓此三公之職也前漢賈誼傳三公者內與王

論道中參六官之事外與六卿之教地官鄉老注王之三公八

命及其出封皆加一等春官上公九命為伯同上上公之禮執

桓圭九寸纁藉九寸冕服九章建常九旒樊纓九就貳車九乘秋官

公佩山玄玉而朱組綬記玉藻鼎折足覆公餗注知小謀

大不勝其任也易鼎卦三公者何天子之相也公羊三公總方

而議則天子恭已而已矣荀天設三光以照明天子立三公以

明理且寬論三公銓時論道袁宏名臣贊三公者百僚之奉萬

事文類聚新集 卷之一 三公者百僚之奉萬

民之表也。漢詔三公天子之股肱也。

崔寔政論

**詩句**三公運權衡

李白三槐老更茂

東坡蟬冕三公府山谷三

師禮數重

后山一為公與相潭潭府中居

韓明君越義軒天老

坐三台

李白五雲多處是三台

杜五嶽祭秩比三公

韓文衡山

公望冠巖廊

唐楊巨源詩

鍾鼎勳庸大山河誠誓長道協陶鈞

力恩回日月光一言歸社稷九命備圭章

同上

**古今事實**

槐鼎之任

漢光武尤信讖言以王梁孫成各應圖錄越登槐鼎之任

冠冕百辟

齊職品令冠冕百辟從容論道自非勲崇德重無以居之

委任三府

後漢郎顛拜章曰選舉牧守委任三府注三府三公也

三公總務

代宗大曆四年詔西漢以二府分理東京以三公總務

一統萬類

王嘉傳君以道德位在三公以總方略一統萬類分明善惡為

職典天地

晉衛瓘奏曰三公職典天地寶掌人物國之大事取義於此

調和陰陽

漢丙吉為相出逢牛喘吉問牛行幾里或以譏吉吉曰方春少陽用事未可太熱此時氣失節恐有所傷害也三公調和陰陽

職所當憂是以問之又傅子曰三公佐天子理陰陽無所不統  
又說死三公正天下調陰陽節風雨

位典常經

漢王尊劾丞相衡御史大夫禪位三公典五常九經以總方畧  
一統類廣教化美風俗為職

詔糾非法

後漢章帝二年詔春秋之義以貴理賤今自三公並宜明糾非  
法宜振威風

秩號萬石

梁制十八班班高者為貴上公班第十八秩萬石  
制三公號萬石百官表又漢

象鼎三足

後漢彭宣傳三公鼎足承君一足不任覆亂美實又環濟要略  
云三公者象鼎三足共承其上也又楊秉傳三公鼎司無所不  
統又顯宗紀永平六年王雒山出寶鼎詔曰鼎象三公豈公卿  
奉職得其理耶又韓非子皆私曰公象鼎足也數二者法二也

朕之腹心

師丹傳策免曰夫三公者朕之腹心也輔善相過正率百僚和  
合天下者也

人之喉咽

春秋合議圖曰天理在斗中司三公如人喉在咽以理舌語宋  
均注曰斗為天之舌口主出政教三公導宣君命諭於人則宜

事文類聚新集 卷之一  
如人喉在咽以理舌口如言有條理分紀

開德宣符

天文上三台六星兩兩而居起文昌列抵太微。一曰天柱三公之位也在入曰三公在天曰三公主開德宣符也晉天文志

昭德塞違

三台六星西近文昌一星曰上台為司命次二星曰中台為司中東二星曰下台為司祿所以昭德塞違也同上

主宣德化

天文志杓南二星及魁第一星西三星皆曰三公主宣德化調七政和陰陽之官也

猶天三光

漢成帝時何武建言國之輔佐必得賢聖然猶天之三光備三公官各有分職宜建三公官分職授政以考功效又蕭望之言三公任非其人則三光為之不明今歲首日月失光外在臣等前本傳

天之三階

漢東方朔對武帝曰願陳秦階注曰秦階不符經曰秦階者天之三階也上階為天子中階為諸侯公卿大夫下階為士庶人中階上星為諸侯三公下星為卿大夫之階二階乎則陰陽和風雨時天下大安東方朔傳

上應台階

後漢郎顛傳三公上應台階下同元首注曰三公上象天之台階

下與入君同體者也。又周禮大宗伯疏上吉司命為太尉中吉司中為司徒下台司祿為司空。

下象山獄

陳忠薦曰三公上則台階下象山獄股肱元首鼎足居職協和陰陽調訓五品。

天子所師

漢哀平間始尊師傅之位明雖天子必有所師。又唐百官志三師天子所師法無所總職。

中書讀策

唐張延賞奏故事冊拜三公中書令讀策侍中奉禮如闕即以宰相攝之。

一代之偉

魏文帝即位時司空華歆司徒王朗並先世名臣文帝罷朝謂左右曰此三公者乃一代之偉人後人殆難繼也。

三公共選

晉劉寔作崇讓論以一官缺擇眾官所讓最多者用之此為三公缺三公讓選之且主選之吏不必任公而選三公不如令三公自共選一公。

木事咨訪

魏初三公無事希預朝政高柔上疏曰古者刑政有疑輒議於槐棘之下自公之後朝有疑議及刑獄大事宜數以咨訪三公三公朝朔望之日可特延入講論得失文帝嘉納焉。

又隋

百官志三公參議國之大事置府僚

謹言奏事

蔡邕上疏曰五年制書令三公謹言奏事是時奉公者欣然得志注漢官儀曰三公聽察長吏臧否人所疾苦條奏之是為舉謹言也

改容禮貌

昔者成王幼在襁抱之中召公為太保周公為太傅大公為太師保保其身體傳傳之德義師道之教訓此三公之職也云云三公之貴皆天子之所以改容而禮貌之也前漢賈誼傳待以殊敬

安帝朝陳忠上疏曰三公稱曰冢宰王者待以殊敬在輿為下

御坐為起入則參對而議政出則監察而董是非後陳忠傳

一命衣服

王制曰三公一命衮若有加則賜也不過九命三公八命復加一命則服袞龍與王者之後同

一品金章

齊職儀云三師品第一金章而紫綬進賢二梁冠絳朝服加賜几杖

沈慶之廢帝時加慶之几杖給三聖事慶之每朝賀常乘犢鼻無幟車覆行田園無人從行遇之者不知三公也慶之曰我每游獲田園有人時與馬成二人無人時則與馬成一人乘此車安所之乎及賜几杖並固讓



臨軒遣使

成帝臨軒遣使拜太傅太尉司空儀注太樂宿懸於殿庭門下奏非祭祀宴饗則無設樂之制太常蔡謨議曰凡敬其事則備其禮禮備則有樂今大拜輔相臨軒遣使宜有金石之樂從焉

戴輿上殿

魏志太傅鍾繇有膝疾拜起不便朝見使載輿車虎賁昇就坐是後三公有疾遂以為故事

乘馬出遊

晉王戎位雖總司而委事僚案簡乘小馬從便門而出遊見者不知其為三公也

黃閣鳴尾

陳舊制三公入內事置鳴尾後主時蕭摩訶以功授侍中驃騎大將軍時詔摩訶開閣門施行馬聽事寢堂並置鳴尾分紀

黃閣內屏

隋三公府三門當中開黃閣設內屏百官志

夢松生腹

丁固夢松生其腹上謂人曰松字十八公也後十八年吾其為公卒如夢焉

聞車馬聲

晉魏舒未達時嘗詣野王主人妻夜產俄而聞車馬之聲相問寢者誰曰魏公舒自知當為公矣其後果為司徒

雀報白環

事類彙編

卷之二

七

弘農楊寶者嘗見一黃雀墜樹下為螻蟻所困寶救之食以黃  
花百餘日毛羽成放之後寶讀書有黃衣童子向寶再拜曰我  
王母使臣為鴟梟所搏賴君拯濟今當使南海不得復住以白  
環四枚與寶曰令君子孫潔白登三公辭去遂絕寶生震震生  
秉秉生賜賜生彪四世為三公續齊諧記

雀啣三鱸

楊震明經博覽不應州郡禮辟後有冠雀啣三鱸魚墜于都  
講取魚進曰蛇鱸卿大夫服之象也數三法三五也先生自此  
升矣後位三公後漢本傳

工相佩刀

晉呂虔有佩刀命工相之當為三大虔以贈別駕王祥曰以子

有台輔之望故相贈後祥果為太保臨薨以刀授弟覽曰汝後  
必與足稱此刀覽後歷世多賢才興於江左

手文可占

隋侃左手有文直達中指至橫文上節便絕占者以為此文通  
位無極侃針挑令徹血流彈壁上仍作公字以紙蓋之公字愈  
明異苑

父子居位

晉司馬望安平王孚之長子有才偉早著名咸熙中位司徒入  
晉封義陽王遷太傅太司馬時孚為太宰父子居上公位百代  
以來未之有也

累世三公

漢楊彪博覽衆書有恭孝稱位至司馬太尉自以累世三公耻為魏臣乃不復行又袁宏袁紹四世三公

黑頭三公

晉諸葛恢傳為臨沂令名亞王導庾亮謂曰明府當作黑頭三公又後魏書示室元或少有才學當時其美侍中崔光見而謂人曰黑頭侍中當此人也

折臂三公

有善相墓者言羊祜祖墓所有帝王氣祜遂鑿之相者見曰猶出折臂三公而祜竟墮馬折臂位至三公晉羊祜傳

平世三公

晉武帝云羊徽蔡廓可為平世三公南史

格外三公

齊明帝即位陳顯達以大尉判鄱陽郡公為三公事雖職典連率人以為格外三公陳顯達傳

三公封侯

崔彥為司空封安陽亭侯三公封侯自此始也

三登三公

後漢胡廣在公位三十餘年禮任其優凡一履司空再作司徒三登太尉又為太傅其所辟命皆天下之士與故吏陳蕃李咸並為三司蕃等每朝輒稱疾避時人榮之

督察三公

光武時江馮上言且令司隸校尉督察三公陳元上疏不宜給

事文類聚新集

卷之二

德壽堂

有司察公輔之名

蕪領六卿

周成王立三公而云官不必備惟其人以書傳考之皆蕪領六卿未嘗特置也

容齋隨筆

我不獨拜

世說王丞相既拜司徒歎曰王喬若過江我獨不拜公

吾不敢先

後漢黃憲字叔度同郡陳蕃為三公臨朝歎曰叔度若在吾不敢先佩印綬

三公備員

後漢光武雖置三公事歸臺閣三公之職備員而已

天下無人

晉陸玩謂賓客曰以我為三公是天下為無人

布被釣名

汲黯曰弘位三公俸祿甚多然為布被此詐也上問弘弘謝曰有之夫以三公為布被誠飾詐以釣名

公孫弘傳

食不蕪味

長孫道生拜司空加侍中性忠厚廉謹身為三公而衣不華飾食不蕪味一熊皮障泥十年不易時人比之晏嬰

分紀又漢紀

荀爽為三公食不過一肉脫粟飯

並除雙貝

真宗天禧元年司徒平章事王旦彭玉元儼同日降制加太保

事文類聚卷一百一十五 後漢書卷一百一十五

三公並除饗負

坐見庶僚

元豐三年除太尉判河南文彥博至河南未交印先就第廟坐以見監司既交府事見監司府官如常式或以問彥博彥博曰吾未視府事三公見庶僚也既交印河南尹見監司矣六年請老拜太師致仕

九居八座

張齊賢四踐兩府九居八座以三公就第康寧福壽世罕其比

手植三槐

王文正公且沉默好學父祐器之常曰此兒異日必為三公輔

臣因手植三槐於庭以為識

古今文集

雜著

三槐堂銘

蘇軾

天可必乎賢者不必貴仁者不必壽天不可必乎仁者必有後二者將安取衷哉吾聞之申包胥曰人衆者勝天天定亦能勝入世之論天者皆不待其定而求之故以天為茫茫善者以念惡者以肆盜跖之壽孔顏之厄此皆天之未定者也松柏生於山林其始也困於蓬蒿厄於牛羊而其終也貫四時閱千歲而不改者其天定也善惡之報至於子孫而其定也久矣吾以所見所聞所傳聞考之而其可必也審夫國之將興必有世德之

臣厚施而不食其報然後其子孫能與守文太平之主共天下之福故兵部侍郎晉國王公顯於漢周之際歷事宋太祖太宗文武忠孝天下望以為相而公卒以直道不容於時蓋嘗手植三槐於庭曰吾子孫必有為三公者已而其子魏國文正公相真宗皇帝於景德祥符之間朝廷清明天下無事之時享其福祿榮名者十有八年今夫寓物於人明白而取之有得有否而晉公脩德於身責報於天取必於數十年之後如持左契交手相付吾是以知天之果可必也吾不及見魏公而見其子懿敏公以直諫事仁宗皇帝出入侍從將帥三十餘年位不滿其德天將復興王氏也歟何其子孫之多賢也世有以晉公比李栢筠者其雄才直氣真不相上下而栢筠之子吉甫其孫德裕功

名富貴略與王氏等而忠信仁厚不及魏公父子由此觀之王氏之福蓋未艾也懿敏公之子輩與吾遊好德而文以世其家吾是以錄之銘曰

嗚呼休哉魏公之業與槐俱萌封植之勤必世乃成既相真宗四方砥平歸視其家槐陰滿庭吾儕小人朝不及及相時射利皇郵厥德庶幾僥倖不種而獲不有君子其何能國王城之東晉公所廬鬱鬱二槐惟德之符嗚呼休哉

律詩

君臣慶會閣二首

汪藻

相第新成寶閣開簫韶聲自九天來恩榮屢遣王人出慈慧仍宣禁從陪御筆丹青爭炳煥宸章雲漢共昭回君臣慶會誠難

得舜禹方資稷契才

又

萬豐彤雲拂曉開使華親自日邊來恩頒御墨函初啓燕及群  
臣賜有陪仙掌共承霄露滴客槎擬泛斗星回人間未識乾坤  
象斧藻先憑造化才

又

一德君臣運有開千齡盛事冠將來神仙迥與人寰隔真主親  
緣國論陪賀履有情均鼓舞雲無路獨遲回尚憐夙被奎文  
潤曾是崇寧樂育才

新編古今事文類聚新集卷之一終

新編古今事文類聚新集卷之二

南江富 大用 時可編  
金陵唐 富春 子和刊

三師部

太師

歷代沿革太師古官也殷紂時箕子周武王時太公成王時周  
公並為太師周公薨畢公代之周武王時周公且為太宰掌  
邦治居六卿之首太師之職秦漢不常置平帝始復置漢東  
京獻帝初董卓為太師卓誅又廢魏世不置晉初依周禮備  
置三公太師居首以景帝名師置太宰以代之太宰即古之  
太師也後齊循後魏置太師太傅太保為三師唐置太師一

事類彙編卷之二 德壽堂梓

人以儀刑四海宋朝尤重太師趙韓王以勲文潞公以年方

得之比曠年不拜自司空王遷方至太師詳見三公類

群書要語尹氏大師維周之氏詩節南山維師尚父時惟鷹揚

大雅赫赫師尹民具爾瞻同上大師維垣垣墻也太師為垣墻

屏蔽之義詩板篇王若曰父師今予祗命公以周公之事書畢

命召公為保周公為師相成王為左右書太師官之極五代史

天子禮樂是經學業不法凡是之屬太師訓之同上太公股肱

周室胙太師以表東海左襄十四冠三公之首為四逸之儀六

帖文王得尚父於盤溪以為師史記師也者教之以事而諭諸

德者也記文王世子伊尹奉鬻王歸于亳王拜手曰既往背師

保之訓弗克于厥初尚賴匡救之德書太甲登拜師垣曾文肅

除呈叔類制以一品之貴紹聖除制躋上公之品秩初寮除鄭

紳制公師類要帝師類要德茂師台楊大年制公師極品曾曲阜

制帝師維垣公是制維師極品曲阜行太師制卿勲在廟社名

聞華夷東坡文太師口宣

詩句我公厭富貴常苦勲業尋東坡次韻韓太師文武成功後

居為百辟師韓愈賀裴公元輝極上台山谷

古今事實

賜杖免朝

前漢平帝即位太后稱制王莽白太后帝幼少宜置師傅乃以孔光為太傅明年徙光為太師莽為太傅光常稱疾不敢與莽並及莽為宰衡位諸侯王王光愈怒固稱疾辭位太后詔無朝



十日一賜食賜太師靈壽杖黃門令為太師省中位坐置九太師入省中用杖

贊拜不名

隋高祖受禪李穆來朝高祖降坐禮之拜太師贊拜不名子孫雖襁褓悉拜儀同一門執象笏者百餘人貴盛當時無比

縞巾居位

蜀李壽以安車束帛聘龔壯為太師壯固辭特聽縞巾素帶居師友之位

鴻鵠遠志

漢獻帝時董卓自號太師御史中丞以下皆拜皇甫嵩與卓爭權後嵩為中丞見卓拜卓曰可以服未嵩曰安知明公乃至於

是卓曰鴻鵠固有遠志但燕雀不知爾嵩曰昔與明公俱為鴻鵠但明公今日變為鳳凰卓笑曰卿早服何得不拜

舊德自處

馮道為太師以舊德自處然當世之士無賢愚皆仰道為元老而喜為稱譽

正色立朝

顏真卿德宗立拜太師立朝正色剛而有禮贊云晚節偃蹇為姦臣所擠毅然之氣折而不沮可謂忠矣

全德始終

裴度拜太師平章事事四朝以全德始終及歿天下莫不思其風烈

本傳

就賜器幣

宋朝淳化二年遣右正言張康齋太師趙普生辰器幣鞍馬就西京賜之故事非同平章無生辰國信之例上以普勲舊故特異其禮會要

璽書加賜

趙普上童生老拜太師封魏國公給宰相俸仍遣其弟齋詔賜之又遣使以璽書賜普曰朕以居守之重慮煩耆耄維師之命用表尊賢仍賜銅羊上尊酒太師其愛精神以副眷注之意東都事畧

以尊老成

文彥博召赴闕司馬公言若令以正太師平章軍國重事亦足

以尊老成矣遂詔二月兩赴經筵六日一入朝至都堂商量事事畧

徧歷公孤

文彥博凝簡莊重有大臣體位將相者五十餘年徧歷公孤兩以太師致仕雖位貌隆重而平居接物謙抑尊德樂善如恐不及邵雍程顥程頤以道學名世而彥博與之交遊元豐中與富弼等十人為洛陽耆英會同上

未曾並除

故事太師未曾並除紹聖初始有文潞公彥博吳榮王灝宣和中蔡魯公京童貫鄭平樂王神靖康初燕王俟越王偁紹興中秦申王檜張魯王俊紹興末史會稽王浩嗣秀王伯圭朝野

特拜加恩

建隆至紹熙宰臣生拜太師者五趙普文彥博蔡京秦檜史浩  
惟蔡秦一人以相臣特拜其他皆還政加恩朝野雜記云

獨班減拜

元祐元年四月詔守太師致仕文彥博赴闕獨班起居減拜肩  
輿至下馬慶子弟一人扶掖出入儀制依見任宰臣會要

宗室特拜

本朝親王生拜太師者五人楚王元佐燕王元儼吳王灝燕王  
俛越王偲皆以父兄行而得之紹熙中嗣秀王伯圭以宗室特  
拜太師蓋王以光宗為親叔父用優禮也同上

元臣優拜

西京留守太保趙普為太師西京養疾以普開國元臣故優拜  
非常例也分紀

古今文集

雜著

除文彥博太師制

鄧潤甫

師傅道之教訓先王所以迪厥官老成重於典刑天下所以資  
其智迺眷舊德時謂元勳謀合祖宗之心名載鼎彝之器申頒  
贊策播告外朝守太師開府儀同三司文彥博廓大而清明方  
嚴而信厚出則秉乎旄鉞入則總我鈞衡文武兼備其才夷險  
能致其力畢公之弼四世三紀于茲傳說之總百官萬邦其又

爵隆無富溢之累名遂有身退之榮神明相其壽康人心想其風來是用還之論道倚以經邦以帝者之師臣謀議廟堂之上以天下之大老制馭夷狄之情庶幾有爲底于極治晉陪多井申衍真封於戲呂望惟賢起佐文主之治周公已老留爲孺子之師矧我耆英無愧前哲往宣一德用格多盤

除文彥博太師河東節度使致仕制

蘇轍

周公未嘗之魯老亦居豐留侯晚雖疆殍終不任事蓋委寄之重初無間然而止足之風所不敢廢惟我耆舊歷事祖宗續服之初復命以位雖師保之地優秩不煩而丘樊之心朝夕以請布告在位俾聞高風太師平章軍國重事上柱國潞國公文彥博克孝而忠允文且武其在師旅有方召之勲其在朝廷有崇

環之業士民視其去就夷狄震其威名時更四朝躬蹈一節先皇帝愍勞以事既許其歸越予訪落之年凜有涉淵之志起之既老待以仰成出入五年始終全德進而論道日聞典訓之言倚以折衝率靖邊防之警委成功而不處指莫景以求安勤請屢聞誠心莫奪顧瞻閭井近在洛師郭氏有未巷之嚴裴公有綠野之勝豈以簪紱之累久致形氣之勞貴極上公既無復加之爵秩分領全晉仍畀久還之節旄增廣舊封益衍真食殫盡人臣之寵歸從父老之遊於戲音聲不遐尚有就問之禮几杖以俟復期親祀之陪勿以進退之殊而廢謀猷之告式燕且譽俾壽而康

賜太師文彥博乞致仕不允批荅

蘇軾

昔師尚父九十秉旄杖鉞猶未告老此諸葛元遜所以屈張昭也而衛武公百年猶箴儆於國曰無以我老耄而捨我此左史倚相所以誨申公也今卿壽考康寧而退託衰病自引求去獨不念天下之士有如彼二子者議其後乎姑安厥官以答公論

賜太師文彥博乞致仕不允批荅

蘇軾

卿出入四世師表萬民無羨於功名而有厭於富貴其所以忘身徇國捨逸就勞者豈有求而然哉凡以先帝之恩生民之欲也卿之在朝如玉在山如珠在淵光景不陳而草木自遂去就之際損益非輕昔西伯善養老而太公自至魯穆公無入子思之側而長者去之卿自為謀則善矣獨不為朝廷惜乎藥餌有間時遊廟堂家居之樂何以異此

回文大師啓

歐陽脩

右脩啓切承顯奉制恩荐膺寵拜伏惟驩慶恭惟太師太中器深宏達業茂經綸弛張文武之才出入將相之任而日者來觀見流之遠喜聞履舄之聲從容話言固多仁者之利體貌者哲是惟先帝之臣宜加異數之優以為一面之重維方勞於憂顧籍有素之威名然而患輕四支不足爬搔於蟣虱坐制萬里理當根本於朝廷即期廊廟之來歸始慰士夫之素望過蒙謙挹曲示誨言趨宿庇以無由積感悚而徒切

律詩

上蔡大師生辰

汪藻

萬古儲英氣生賢鎮廟祧方春回暖律隨帝下神霄早歲陪興

運清忠服邇僚三篇俱說命兩紀獨承堯為國隆堂陛中天幹  
斗杓光華歸使謀寧謚載民誥九牧金成鼎三山石峙橋元圭  
來舊錫神寶獻新離堂起房心次音諧角徵韶車書人一統符  
瑞歲千條壁海材愈盛沙場虜不驕獻琛皆累譯入穀有垂髫  
郭解雙封國班超五日朝嘉謀從昔合願業更誰昭眷禮群臣  
異恩光此日饒授圖開地壯傍闕築堤遥供帳移金屋歌鍾實  
綺寮名園藏茂密華閣聳岩堯詔蹕迂臨幸宸毫紀宴招弟兄  
聯袂繡孫子列蟬貂印琢金為彩魚懸玉在腰中姻連築沁外  
族綴塗椒帝子傳孟杓官嬙作鼓簫果新無獨享羨美或親調

上蔡太師生辰

汪藻

宇宙將昭泰風雲必會同帝師黃閣老人羨黑頭公慶節同堯

曆新陽應嶰筒儀韶來彩鳳占夢得真熊壽考天資曾神靈嶽  
降高典儀尊赤鳥歌詠美彤弓夷險無殊節誠明信保躬濟川  
先象楫遵渚集飛鴻炳炳丹青筆堂堂社稷忠斗杓還列宿簾  
陛倚層穹文武俱為憲詩書執此隆規模三代遠謀畧萬夫雄  
字畫諸玉品文章兩漢風早登青瑣闥頻入紫微宮器敏無餘  
刀才豪妙吐虹聲光連日月氣槩俯華戎天上經綸合人間制  
作工向來疑庶績誰復簡清衷經誦三雍富舟車四海通地歸  
銅柱北春滿玉關東養士菁莪盛論才駿馬空聖時方密勿賢  
業助昭融螭紐乾符正龍文帝鼎崇伊湯咸有德房杜不言功  
禮秩群臣異恩波此日豐宸章頌琬琰相第列幘幘東壁文昭  
爛西崑氣鬱葱節旄藏棨戟茅土啓龜蒙袞繡卿雲裏貂蟬瑞

藹中御奩金寶帶神鹿王花廳蓬島波全濶天鈞樂未終禁香  
紛縹緲朝佩雜玲瓏芝草盈田紫蟠桃照海紅後彫疑秀髮難  
老湛方瞳水質期姑射丹砂喚葛洪潛機神宇定睥表德符充  
瑞鶴千年羽靈著五色叢舊傳調鼎客今識鈞璜翁世世聯台  
衮年年拱帝聰欲知耆笑永元氣等無窮

太傅

**歷代公華**太傅古官也。太傅品秩冠服同太宰。**成王**即位周公  
為之後康叔畢公亦為之。**秦**無其職漢惠帝崩高后元年以  
丞相王陵為少帝太傅金印紫綬位在三公上。**後漢**光武惟  
置太傅有府寮拜故密令卓茂為之明帝以鄧禹為之章帝  
已下初即位皆置太傅錄尚書事。**魏**初唯置太傅以鍾繇為

之。**晉**宣帝為魏太傅**齊**唯置太傅**梁**武帝受命之初官班多  
同宋齊之舊有大傅**陳**以為贈**後齊**置太師太傅太保是為  
三師**唐**置太傅一人**元**見三公類

群書要語凡三主教世子立太傅少傅以養之欲其知父子君  
臣之道也書周官天子不惠於庶人不信於諸侯不戒於戎事  
凡事之屬太傅之任大戴記傅相天子於德義書孔安國注太  
傅審父子君臣之道以示之少師奉世子以觀太傅之德而審  
喻之太傅在前記文王世子

**詩句**吾愛白樂天逸才生自然誰謂辭翰器乃是經濟賢皮日  
休白太傅詩賢相謝世運遠圖因事止高揖七州外拂衣五湖  
**裏注**賢相太傅謝安也文選謝靈運述祖德詩

古今事實

逃奔國盜

晉使隨會為太傅於其國之盜逃奔于秦左傳

芟夷閹宦

陳蕃年十五嘗閑處一室蕪穢不掃曰大丈夫當掃除天下安事一室乎竇后臨朝以蕃為太傅錄尚書事蕃與后父大將軍竇武同心盡力徵用名賢共參政事其志欲芟夷閹宦以清中朝

正身立朝

趙熹內典宿衛外幹掌職正身立朝未嘗懈惰肅宗即位進為太傅錄尚書事

在位修身

和帝即位以鄧彪為太傅錄尚書事賜爵關內侯永光初竇氏專權驕縱朝廷多有諫諍而彪在位修身而已不能有所匡正研覈是非

曾植輔臣論曰精微聽察理折毫分規矩可則呵保不傾羣言系于口而研覈是非典詰總于心而唯所用之者遂拜太傅練達事體

後漢胡廣字伯始為太傅年八十四練達事體明辭朝章雖無蹇直之風屢有補闕之益故京師語曰萬事不理問伯始天下中庸有胡公本傳

無咎無譽

後漢胡廣贊曰鄧張作傅無咎無譽胡公庸庸飾情恭貌朝章



事文類聚新集 卷之二 雖理據正或撓

三讓彌高

和帝策鄧彪曰元功之族三讓彌高可令為太傅

百官志

百僚為式

鄧彪在位清白為百僚式和帝即位拜太傅多有諫諍

漢本傳

賜爵封侯

漢元帝即位蕭望之周堪本以師傅見尊重後詔御史國之將

與尊師而重傅前將軍蕭望之傅朕八年道以經術厥功茂焉

其賜爵關內侯給事中蕭望之傳

東向如賓

漢明帝以鄧禹先帝元功拜為太傅進見東向甚見尊寵注臣

當北向尊如賓故令東向

鄧禹傳

恩寵莫比

和帝即位幼弱以鄧彪有高名海內歸仁召為太傅百官總已

以聽之恩寵之隆莫與為比通鑑

載車上殿

見三公門

乘輿上殿

晉何曾為太傅乞遜位詔令會朝劔履乘輿上殿如漢相國蕭

何魏太傅鍾繇故事焉本傳

几杖不朝

晉鄭冲抗表致仕詔曰太傅勳德深遠履行高潔可謂朝之雋老屢以年高告退令聽其所執以壽光公就第位同保傅几杖

事類彙編  
卷之二  
不朝本紀

賜几杖車馬

光武即位詔曰前密令卓茂名冠天下當受天下重賞今以茂為太傅封褒德侯賜几杖車馬卓茂傳

給帷帳床褥

後漢張禹拜太傅錄尚書事劉蒼以殤帝幼育欲令重臣居禁內乃詔禹舍宮中給帷帳床褥太官朝夕進食五日歸府每朝贊與二千公絕席本傳

賜女樂田畝

北齊高歸彥作亂冀州段紹與東安王樓叡率眾討平之遷太傅賜女樂十人并歸彥田園一千畝

金印紫綬

見公羊

三為太傅

後魏淮陽王欣太統中為太傅文帝謂欣曰王三為太傅再為太師自古人臣未聞有此例欣遜謝而已

三世元老

章帝詔曰行太尉事趙熹三世在位為國元老其以熹為傅時年八十繼母在堂言不稱老東觀漢紀

不驕勢位

後周王盟為太傅姿度弘雅仁而泛愛雖居師傅禮冠群后而謙恭自處未嘗以勢位驕人

不持威儀

事類彙編

卷之二

十二

德壽堂

達矣武拜太傅賤時好華飾及居重位不持威儀行常單馬門  
不施戟常畫揜一扇或謂武曰公位冠群后功名益代出入儀  
衛不稱具瞻何輕率若是武曰且天下未平國恩未報安適事  
威儀乎言者慙而退分紀

自號退傅

張士遜上章請老就拜太傅進封鄧國公致仕宰相謝事自士  
遜始也就第十年而薨年八十一士遜歸老號退傅啓國於鄧范  
仲淹適守鄧州士遜還鄉仲淹置酒高會明白士遜復置會揮  
金甚盛時人榮之東都事畧

退閑杜門

紹興十一年韓世忠以太傅奉朝請秦檜主和議世忠乃力求

閑退自此杜門謝客絕口不言兵時騎驢攜酒從一二童奴游  
西湖以自樂平時將佐亦罕得見係年錄

進封國公

紹興十一年少師樞密使濟國公張俊除太傅進封廣國公文  
十一月太保樞密使韓世忠除太傅仍奉朝請

古今文集

雜著

除呂公弼樞密使檢校太傅制 張方平

本朝之制地分二府之嚴執政之臣共幹庶邦之重文武承式  
兵民是圖屬在賢明總司使職誕敷明制駁告大廷具官呂公  
弼器縕純明機靈精遠環林任重中廣廈之棟梁雅音自和合

清朝之琴瑟登貳樞機之密洽聞議慮之長屢陳憂國之言多  
發便時之策深明王體有簡朕心道陞帝傳之崇以正本其之  
任爰由增賦真食衍封名器益隆典章允穆於戲信而能用嘗  
思明哲之難知無不為期盡臣鄰之益祗若沐命以贊大猷

王介甫贈太傅制

宋景文

勅式觀古初灼見天命將有非常之大事必生希世之異人使  
其名高一時學貫千載知足以達其道辨足以行其言瑰璋之  
文足以藻飾萬物卓絕之行足以風動四方用能於期歲之間  
靡然變天下之俗具官某少學孔孟晚師瞿曇網羅六藝之遺  
文斷以己意糝糠百家之陳迹作新斯文屬熙寧之有為冠群  
賢而首用信任之篤古今所無方需功業之成遽起山林之興

浮雲何有脫窳如遺屢爭席於樵漁不亂群於麋鹿進退之美  
雍谷可觀朕方臨御之初衰疾罔極乃眷三朝之老邈在大江  
之南究觀規模想見風采豈謂告終之問在子諒聞之中胡不  
百年為之一涕於戲外生用舍之際孰能違天賙賻哀榮之文  
豈不在我寵以師臣之位蔚為儒者之光庶幾有知服我大命  
可贈太傅

律詩

紀送太傅相公歸闕

范仲淹

縉紳誰敢望差肩獨向昌朝協半千首會雲龍游少海親扶日  
月上中天碧油兩就元戎鎮黃閣三提象宰權坐致唐虞成大  
化退居師傳養高年閑披丹訣開爐竈醉度清歌被管絃同榜

幾人登將相滿朝今日望神仙松楸雉草思純孝里巷揮金過  
昔賢歸赴誕晨知先說輕鞍拜舞壽觴前

張太傅生日詩

晏元獻

三陟槐庭二將壇冊書文武載勲賢辭榮尚峻經邦秩養素方  
臨鈞清年清會別開金谷墅新吟多雜葉珠篇驚羨今日增華  
耀海內簪紳共祝延

太保

歷代公華太保古官商太甲時伊尹為之周成王時召公為之  
漢平帝元始元年初置金印紫綬次太傅始用王莽為之後  
漢至魏不置末年以鄭冲為之晉武初以王祥為太保進爵  
為公梁武受命之初官班多同宋齊之舊有太保陳以贈官

後晉置太師太傅太保為三師唐太保一人天寶以前唯以  
其官贈寶子謀而已大元見三公類

群書要語入則有保保也者慎其身以輔翼之而歸諸道者也  
記文王世子慎其身者謹安護之禮記注保安也以道安人主

者也書曰召公為保相成王為左右禮地官既往背師保之訓  
弗克于厥初尚賴匡救之德太保保安天子於德義尚書注

在太甲時則有若保衡伊尹為保衡言天下之所取乎書君  
奭昔先正保衡說命公曰君告汝朕允保奭其汝克敬君奭太

保朝至于洛卜宅厥既得卜則經營書召誥太保所以訓護人  
主導以德義者也通典

詩句詔出未共宮登壇近總戎上公周太保副相漢司空弓抱

關西月旗翻渭北風弟兄皆許國天地荷成功岑參軍送太保

古今事實

作旅爨訓

周武王時西旅底貢厥爨太保作旅爨用訓于王

相宅洛邑

成王在豐欲宅洛邑使召公先相宅作召誥曰惟太保先周公

相宅

尚德依仁

晉帝詔曰太保何曾尚德依仁明允篤誠翼贊先皇光濟帝業

分紀

崇道弘化

王隱書曰王祥字休徵拜太保制曰耆艾元老高行清粹朕所倚毗以崇道弘化

明允篤誠

太保衛瓘明允篤誠有匪躬之志晉起居注

含素遲暮

晉書贊曰鄭冲含素王祥遲暮冲與祥俱曾為太保冲後遷為

太傅

對掌朝政

晉汝南王亮為錄尚書事與太保衛瓘對掌朝政分紀

善於撫士

蜀李雄錄曰雄異母兄始字伯敬為太保善於撫士眾多歸之

時人為之語曰欲養老屬太保

給兵千人

晉衛瓘字伯玉告老遜位進位太保以公就第給親兵百人置長史司馬從事郎掾屬惠帝即位復給瓘千兵

加置七官

晉武初踐祚以王祥為太保進爵為公加置七官之職

即家封拜

趙光逢以司徒致仕天成中即其家拜太保封齊國公五代史

門無雜賓

晉王祥薨奔赴者非朝廷之賢則親親故吏而已門無雜賓之賓族孫王戎歎曰太保可謂清遠矣

同日降制

宋天禧元年司徒平章事王且荆王元儼同日降制加太保三公併除雙員自此始也

再任加封

熙寧元年潞國公文彥博守太保兼侍中再任彥博辭太保止受所加封再任從之會要

使相改除

紹興十年必保萬壽觀使兼三鎮節度使劉光世除太保少師充京東宣撫處置使韓世忠除太保

古今文集

雜著

事類彙編

卷之三

一三五

德壽堂

答史大保別紙

朱元晦

熹昨者狂妄輒以瞽言仰瀆崇聽自循分守當得謹斥之罪不  
 以免於罪戾為喜而又得側聞前此告猷之益天下已有陰受  
 其賜者尤切增氣尚恨未得躬扣昌言之具以發蒙昧耳今者  
 邊事益急變異荐臻人無智愚共以為懼然熹淺陋切以為境  
 外之傳未足憂而謹告之深為可畏也今朝廷於其不足慮者  
 既已過為之防而於其深可畏者反未有處熹甚惑焉夫以災  
 異而求直言歷世相傳具有故實明公身為天下太老誠有憂  
 國之心不當俯及細務願以此意為上一言使幽險之情得以  
 上通則天下之言皆明公之言而明自達聰感召和氣皆明公  
 之功矣感激容貸之恩懷不能已敢復言之俯伏俟罪

二卷終

新編古今事文類聚新集卷之三

南江 富大用 時可 編

金陵 唐富春 子和 刊

三公部

太尉

歷代沿革 堯時舜為太尉 秦時金印紫綬掌武事 漢惠帝六年  
 置太尉官 孝文三年置 七年省 武帝建元二年置 五年省 元  
 狩六年法周制更名大司馬 世祖建武二十七年罷大司馬  
 復置太尉 靈帝末以劉虞為大司馬 而太尉如故 齊太尉品  
 第一 梁武初同宋齊之舊有太尉 後齊置太尉 司徒司空為  
 三公 後魏有大將軍不置太尉 正光以後並置 唐太尉一人



宋仍唐舊政和二年御筆改太尉為武選一品之任在節度使上元以太尉司徒司空為三公

群書要語

孟夏之月命太尉贊傑俊遂賢良舉長人行爵出祿

必當其位

月令掌四方兵事功課歲盡即奏其殿最而待賞罰

凡郊祀之事掌亞獻凡國有大造大疑則與司徒司空通而論

之國有過事則與三公通諫諍之本注三公星在北斗杓南主

天文錄

宣德化和陰陽若今之太尉司空之象也

杜別房太尉墓

家呼小太尉國

詩曰對綦陪謝傅把劍覓徐君

杜牧時李晟官至太尉子想亦贈太尉

號大凉公

古今事實

憂心如醉

劉寬為太尉常於坐被酒睡伏靈帝問曰太尉醉耶對曰臣不敢醉但任重責大憂心如醉

冲心愈約

郝鑿為太尉雖在公位冲心愈約勞謙日具誦玩墳索自少至長身無擇行

有不貳心

冲帝詔書曰太尉趙峻二世掌典樞衡有匪石不貳之心

有不惑

楊秉為太尉嘗曰我有二不惑酒色財天下稱為名公

忠正不撓

冲帝詔書曰三公國之楨幹朝廷取正以成斷金太司農李固

公族之苗忠正不撓有史魚之風其以固為太尉

恭慎自守

王龔為太尉在位恭慎自守非公事不通州郡書記其所辟命皆海內長者

左袒安劉

漢高祖疾甚呂后問大臣上曰周勃重厚少文然安劉氏必勃也可令為太尉帝崩呂氏謀為亂太尉勃持節入北軍呼曰為劉氏者袒左為呂氏者袒右軍皆袒左為劉氏

入租助國

張禹為太尉時連歲災荒府藏空虛禹上疏求入三歲租稅以助郡國庶餒

觸目琳琅

有人詣王太尉遇安豐大將軍丞相在往別屋見秀胤平子還語人曰今日之行觸目琳琅與珠玉

世說

每顧髮豎

唐宣宗即位李德裕奉冊太極殿帝退謂左右曰卿行事近我者非太尉耶每顧我毛髮為森豎翼日罷為檢校司徒同中書門下平章事

奏劾近官

楊秉除太尉時中常侍侯覽為益州刺史累有贓罪臬鹿一州秉劾奏參檻車徵詣廷尉參惶遽自殺秉因奏覽及中常侍具瑗書奏尚書召對秉掾屬曰公府外職而奏劾近官經典漢

制有故事。平。秉使對曰。春秋趙鞅以晉陽之甲逐君側之惡。傳曰。除君之惡。惟力是視。漢世故事。三公之職。無所不統。尚書不能詰。

單坐使人

靈帝以羊續為太尉。時拜三公者。皆輸東園禮錢千萬。令中使督之名曰左騶。其所之。往輒迎。致禮敬厚。贈賂續。乃坐使人於單席。舉緼袍以示之。曰。臣之所資。惟斯而已。左騶白之。帝不悅。以此故。不登公位。注。騶。騎士也。

不受遺金

太尉范隆曾有所薦。得美官者。於閭中以金遺隆。隆數而責之。言人不知也。謹不敢漏泄。父母兄弟隆曰。神已知之。其可欺耶。

遂絕之。崔鴻前趙錄

還所賜物

李咸孤特自立。自大鴻臚拜太尉。自在相位。約身率下。常食脫粟飯。醬菜而已。刺史二千石牋記。非公事。不發省。以先乞骸骨。見許。悉還所賜物。乘敝牛車而去。

白鹿隨車

鄭弘為臨淮太守。行春。有兩白鹿隨車。挾轂而行。弘恠問主簿。買國鹿為吉凶。國拜賀曰。聞三公車。圖畫作鹿。明府當為宰相。後果為太尉。

飛鵲墮印

後漢常山張顛為梁相。天新雨。後有鳥如鵲。飛翔稍下。墮地。人

取化為一圓石，顛推破之，得金印，曰忠孝侯印。顛表上聞，藏之秘府。靈帝時至太尉。博物志

使者八至

晉桓溫授侍中太尉，固讓不受。旬月之間，使者八至，輅車相望於道。

公台三登

胡廣在公台三十餘年，歷事六帝，禮任甚優。凡一履司空，再作司徒，三登太尉，又為太傅。其所辟命，皆天下名士。

以副眾望

孫皓詔曰：范慎、勳、德俱茂，朕所倚憑。宜登三公，以副眾望。可為太尉。

為立五廟

唐李晟為太尉，詔為晟立五廟，官給牲牢，祭器赫帳，禮官相儀，以稱焉。後李晟子愬亦為太尉。

楊氏四世

楊震秉賜彪四世為太尉，德業相繼，為東京名族。

唐興七人

唐李德裕拜太尉，固讓言：唐興太尉惟七人，臣願守舊秩足矣。帝曰：吾恨無官酬公，無固辭。

金董紫綬

齊太尉品第一。金董紫綬，進賢二梁冠，絳朝服，佩玄玉。

玄衣纁裳

晉制郊廟太尉是服七旒衣纁裳服七章

置屏隔坐

鄭弘少為鄉耆夫太守第五倫行春見而奇之召署督郵後弘為太尉時舉將第五倫為司空班次在下正朔朝見弘曲躬而自卑帝問之知其故遂聽置雲母屏風分隔其間由此為故事又朱寵為太尉朝廷賜錦被梁肉雲母屏風

升殿賜坐

宋天禧元年王旦加大尉入謝便座上以其巖瘠拜起頗難命謂者扶掖升殿賜坐勞問又遣其子大理評事雍贊官告賜之加襲衣金帶鞍勒馬如宰臣例

古今文集

雜著

段太尉逸事狀

柳宗元

太尉始為涇州刺史時汾陽王以副元帥居蒲王子晞為尚書領行營節度使寓軍邠州縱士卒無賴吏不得問日羣行丐取於市不贖輒奮擊折人手足推金帛瓦釜盈道上一把臂徐去至撞殺孕婦人邠寧節度使白孝德不敢言太尉自州以狀白府願計事至則曰天子以生人分公理公見人被暴害因恬然且大亂若何孝德曰願奉教太尉曰其為涇州甚通少事今不忍人無寇暴死以亂天子邊事公誠以都虞侯命某者能為公已亂使公之人不得害孝德曰幸甚如太尉請既署一月晞軍士十七人入市取酒又刃刺酒翁壞釀器酒流溝中太尉列卒取

十七人皆斫頭注槊上植市門外晞一營大譟盡甲孝德震恐  
召太尉曰將奈何太尉曰無傷也請辭於軍孝德使數十人從  
太尉太尉盡辭去解佩刀選老健一人持馬至晞門下甲者出  
太尉笑且入曰殺一老卒何甲也吾戴吾頭來矣甲者愕因諭  
曰尚書固負若屬耶副元帥固負若屬耶奈何欲以亂敗郭氏  
為白尚書出聽我言晞出見太尉太尉曰副元帥勳塞天地當  
務始終今尚書恣卒為暴暴且亂亂天子邊欲誰歸罪罪且及  
副元帥今邠人惡子弟以負竄名軍籍中殺害人如是不止幾  
日不大亂大亂由尚書出人皆曰尚書倚副元帥不戢士然則  
郭氏功名其與存者幾何言未畢晞再拜曰公幸教晞以道恩  
甚大願奉軍以從顧此左右皆解甲散還入伍中敢譁者以不

尉曰吾未哺食請假設草具既食曰吾疾作願留宿門下命持  
馬者去且日來還臥軍中晞不解衣戒僕卒擊析衛太尉且俱  
至孝德所謝不能請改過邠州由是無禍

上韓大尉書

蘇轍

太尉執事轍生好為文思之至深以為文者氣之所形然文不  
可以學而能氣可以養而致孟子曰我善養吾浩然之氣今觀  
其文章寬厚宏博充乎天地之間稱其氣之小大太史公行天  
下周覽名山大川與燕趙間豪俊交遊故其文踈蕩頗有奇杰  
此二子者豈嘗執筆學為如此之文哉其氣充乎其中而溢乎  
其貌動乎其言而見乎其文而不自知也轍生十有九年矣其  
居家所與遊者不過其鄰里鄉黨之人所見不過數百里之間

無高山大野可登覽以自廣百氏之書雖無所不讀然皆古人  
 之陳迹不足以激發其志氣恐遂泯沒故决然捨去未天下奇  
 聞壯觀以知天下之廣大過秦漢之故都恣觀終南嵩華之高  
 北顧黃河之奔流慨然想見古之豪傑至京師仰觀天子宮闕  
 之壯與倉廩府庫城池苑囿之富且大也而後知天下之巨麗  
 見翰林歐陽公聽其議論之宏辨觀其容貌之秀偉與其門人  
 賢士大夫遊而後知天下之文章聚乎此也太尉以才學冠天  
 下天下之所恃以無憂四夷之所憚以不敢發人則周公召公  
 出則方叔召虎而轍也未之見焉且夫人之學也不志其大雖  
 多而何為轍之來也於山見終南嵩華之高於水見黃河之大  
 且深於人見歐陽公而猶以為未見太尉也故願得觀賢人之

光耀聞一言以自壯然後可以盡天下之大觀而無憾者矣轍  
 年少未能通習吏事嚮之來非有取於斗升之祿偶然得之非  
 其所樂然幸得賜歸待選使得優游數年之間將歸益治其文  
 且學為政太尉苟以為可教而辱教之又幸矣

賀文太尉啓

蘇軾

伏審孳號揚庭臨軒遣使出節少府授鉞齊壇夷夏聳觀兵民  
 交慶蓋功業盛大則極名望而後稱惟德度宏遠故處富貴而  
 若無蔚為二世之宗臣豈獨一時之盛事恭惟留守太尉道本  
 天合德為人師信及三川之豚魚威加兩河之草木身任休戚  
 言為重輕始若留侯弱冠而遇高祖晚同尚父黃髮而亮武王  
 既奉冊書益新民聽方將威懷比虜係頸長纓約束河公軌流

故道然後入調伊傳之典歸躡松喬之游輿論所期斯言可必  
軼謫官有限趨侍無緣踴躍之心宜寫難盡  
古詩

上劉侍中

楊巨源

命代生申甫承家翊禹湯廟謨膺間氣師律動清霜鍾鼎勳庸  
大山河誠誓長道叶陶鈞力思迴日月光一言弘社稷九命備  
珪璋朱門重綵戟丹詔半繡緗射鵰天更碧吹角塞仍黃功垂  
貞石遠名映色絲香斷磧瞻魏武臨池識鳳皇珠影含空徹瓊  
枝映座芳窠容雄朔漠公堂冠巖廊

律詩

御製段太尉碑詩

多難全高節時清終相君園坐標古篆雨露降天文

上羅鄴王

羅隱

營室東迴陰赤丘少年承襲擁青油坐調金鼎尊明主橫把瑯  
弓傲列侯

司徒

歷代公董少吳氏以鳥名官而祝鳩氏為司徒堯時舜為司徒  
舜攝帝位命契為司徒契玄孫曰微亦為夏司徒周地官司  
徒掌邦教秦為丞相官漢西京初不置丞相元壽二年罷丞  
相置大司徒以孔光為之光武二十七年去大字自漢歷魏  
置為三公及晉迄江左其官相承不替宋有丞相又置司徒  
齊以丞相為贈官而司徒品秩冠服同丞相郊廟服冕同太



尉深又兩置陳氏以丞相為贈官後魏正光之後復兩置

齊廢丞相乾明中又兩置後周並廢丞相置司徒宋因之

群書要語帝曰契百姓不親五品不遜汝作司徒敬敷五教在

寬書曰舜典司徒掌邦教敷五典擾萬民周官司徒脩六禮以節

民性明七教以興民德齊八政以防淫禮記道德以同俗養耆老

以致孝恤孤獨以逮不足尚賢以崇德簡不肖以黜惡記王制

司徒巡行縣鄙命農勉作月令大司徒之職掌建邦之土地之

圖與其人民之數以佐王安擾邦國以天下之圖周知九州之

地域廣輪之數辨其山林川澤丘陵墳衍原隰之名物禮地官

凡建邦國以土圭正其地而制其域同上以五禮防萬民之偽

而教之中以六樂防萬民之情而教之和同上以保息六養萬

民同上矧惟若疇圻父薄違農父若保安父定辟田農父司徒

也書酒誥和五教理人倫使風行俗平萬國咸寧者謂之司徒

古今通語

詩句緇衣之宜兮敬予又改為兮適子之館兮還予授子之粢

兮詩鄭風司徒清鑒懸明鏡杜洗兵馬

古今事實

丞相之職

晉何曾以太保侍中領司徒曾固讓詔曰司徒舊丞相之職自  
舌及今總論人物化治之本以君弘道故選於衆而復盤桓非  
所聞也

五教之官

晉石苞拜大司馬策免以公歸第詔以苞為司徒雖以過防受黜尋授五教之官深陳農桑本務明其考課居五年天下稱之

聖人在政

魯侯欲以孔子為司徒將召三桓議之乃謂左丘明左丘明曰孔子其聖人歟夫聖人在政過者離位焉君雖欲謀其將弗合乎魯侯曰吾子奚以知之丘明曰周人有愛裘而好珍羞欲為千金之裘而與狐謀其皮欲其少牢之珍而與羊謀其羞曰味宰狐相與逃於重丘之下羊相呼藏於深林之中故周人五年不制一裘十年不足一牢何者周人之謀失矣今君欲以孔子為司徒召三桓而議之亦與狐謀裘與羊謀羞哉於是魯侯遂不與三桓謀而召孔子為司徒

父子善職

鄭武公父子並為司徒善於其職國人宜之鄭風緇衣詩

股肱心膂

穆王命君牙為周大司徒王若曰嗚呼君牙惟乃祖乃父服勞王家厥有成績紀于太常今命爾子翼作股肱心膂乃舊服毋忝祖考

謀謨帷幄

漢光武即位於鄗使使持節拜鄧禹為大司徒策曰前將軍禹深執忠孝與朕謀謨帷幄決勝千里今遣奉車都尉授印綬封為鄴侯邑萬戶敬之哉禹時年二十四

明察守正

唐文苑英華新集

侯霸字君房為大司徒封關內侯在位明察守正奉公不阿

恭約盡忠

馮勤字偉伯遷司徒先是三公多見罪退帝賢勤欲令以善自終乃因宴見從容戒之曰朱浮上不忠於君下陵轢同列竟以中傷至今外生吉凶未可知豈不惜哉人臣放逐受誅雖復追加賞賜賻祭不足以償不貲之身忠臣孝子覽照前世以為鑒誠盡忠於國事君無一則爵賞光于當世功名列於不朽可不勉哉勤愈恭約盡忠號稱職任

憂念王室

袁安為司徒每朝會憂念王室未嘗不流涕

奏課農桑

石苞為司徒奏州郡農桑未有賞罰之制宜遣掾屬循行皆當均其土宜舉其殿最然後黜陟

自執牙籌

晉王戎拜司徒雖位總台司而委事僚采間乘小馬從便門而出遊見者不知其三公也故吏多至大官道路相遇輒避之性好興利廣收八方園田水碓周徧天下積貫聚錢不知紀極每自執牙籌晝夜策計恒若不足而又儉嗇不自奉養天下人謂之膏肓之疾

吏皆皂服

王渾遷司徒仍加兵渾以司徒文官主吏不持兵及吏屬絳衣自以非是舊典皆令皂服論者美其識體

清貧蔬食

華歆為司徒素清貧文帝出詔曰司徒國之雋老所以和陰陽理庶事今大官重膳而司徒蔬食甚無謂也時賜御衣

臥麤布被

劉寵為司徒臥麤布被

家無擔石

華歆文帝時為司徒素清貧祿賜以振施親戚故家無擔石之儲公卿常並賜沒入家口唯歆出而嫁之帝歎息

子無立錐

范滂為司徒有宅數畝田不過一頃復推與其兄子其妻常曰君有四子無立錐之計

逕還童綬

魏舒字陽元為司徒年過致仕有遜讓童而無居宅乃漸以奉秩之餘為第之所舒素為人先行而後言故未嘗語親疎言當遜位元年正月整法服入殿朝會罷逕還奉送童綬內外莫有知舒此情者

不污官府

山濤為司徒固辭已勅斷童表乃臥加童綬濤曰垂沒之人豈可污官府乎與疾歸家

板輿上殿

晉司徒傅祗疾遜位不許板輿上殿

劍履上殿

晉何曾以太傅領司徒屢遜位詔以司徒所掌煩務不可以久  
勞者爰其進位大朝會乘輿劔履上殿如漢蕭何魏鍾繇故事  
詔頒天下

宋宰相呂夷簡詔特守司徒依前兼門下侍郎同中書門下平  
章事三表懇讓不敢當乃降詔上令錄其詔書頒于天下使四  
海之人知朝廷有退讓之臣

夢禾得秩

蔡茂字子禮為司徒在職清儉匪懈茂初在廣漢夢坐大殿極  
上有三穗禾挑取之得其中穗輒復失之以問主簿郭質質離  
席慶曰夫殿者官府之形象也極而有禾人臣之上祿也取中  
穗中台之位於字禾失為秩雖曰失之乃所以得秩秩也衣職

有關公其補之旬月而茂徵焉

見虹策免

郎顛上章曰切見今月十四日乙卯時白虹貫日見日旁氣色  
白而純者名曰虹貫日中者侵太陽也見於日旁政變常也易  
傳曰公能其事序賢進士後必有喜反之則白虹貫日以甲乙  
見則謹在中台自司徒居位陰陽多謬宜黜司徒以應天意注  
韓詩外傳曰三公者司空司徒司馬也司馬主天司空主地司  
徒主人故陰陽不調星辰失度責之司馬山林崩絕川谷不流  
責之司空五穀不殖草木不茂責之司徒甲乙東方主春生殖  
五谷之時也而白虹以甲乙日見明責在司徒也時劉崎為司  
徒至陽熹三年策免

銅臭三公

崔烈歷位郡守九卿靈帝時開鴻都門榜賣官爵公卿州郡下  
至黃綬各有差烈入錢五百萬得為司徒于是聲譽衰減問其  
子鈞曰吾居三公於議者何如鈞曰大人少有英稱歷位卿守  
論者不謂當為三公而今登其位天下失望烈曰何謂然也鈞  
曰論者嫌其銅臭

落水三公

宋謝超宗為人恃才使氣多凌忽司徒褚彥回因送湖州刺史  
王僧虔閣道壞墜水僕射王儉驚跳下車超宗撫掌笑曰落水  
三公墮車僕射彥回出水沾濕狼籍超宗先在僧虔舫聲曰有  
天道焉有地道焉天所不容地所不受投畀河伯河伯不受彥

回大怒曰寒士不遜超宗曰我不賣哀劉得富貴焉能免寒士

古今文集

律詩

故司徒李公光弼

杜甫

司徒天寶末北收晉陽甲胡騎攻吾城愁寂意不愜人安若秦  
山薊北斷右脅朔方氣乃蘇黎首見帝業一宮泣西郊九廟起  
頽塵未散河陽卒思明偽臣妾復自碣石來火焚乾坤獵高視  
笑祿山公又大獻捷異王冊崇勳小敵信所怯擁兵鎮河汴千  
里初妥帖青蠅紛營營風雨秋一葉肉省未入朝外淚終映睫  
太屋去高棟長城掃遺堞平生白羽扇零落蛟龍匣雅望與英  
姿惻愴槐虫接二軍晦光彩烈士痛稠疊直筆在史臣將來洗

箱篋吾思突孤家南紀阻歸楫扶顛永蕭條未濟失利涉疲菑  
竟何人灑涕巴東峽

司空

歷代沿革司空古官少昊氏以鳥紀官爽鳩氏司空也舜攝位  
以禹為司空契之子曰奭為司空商湯時外置為司空周  
時司空為太官掌邦事成王以毛公為司空春秋時宋以武  
公之諱改司空為司城楚改司空為莫敖秦置御史大夫省  
司空漢西京初不置成帝綏和元年更名御史大夫為太司  
空哀帝建平二年復為御史大夫元壽二年復為大司空光  
武二十七年去大字獻帝建安十三年又罷司空置御史太  
夫魏省御史大夫置司空景初二年以司隸校尉崔林為司

空晉以荀顛為之歷宋齊梁陳後魏北齊皆省御史大夫置  
司空後周二職並廢隋氏諱忠以御史中丞為大夫故又置  
司空唐司空一人宋仍之

群書要語舜曰咨四岳有能奮庸熙帝之載僉曰伯禹作司空  
帝曰咨禹汝平水土惟時懋哉書舜典司空掌邦土居四民時  
地利周官司空執度地居民山川沮澤時四時量地遠近興  
事任力記王制危東六星兩兩而比曰司空春秋元命苞度量  
不審舉事失理都鄙不脩財物失所則飭司空家語凡營城起  
邑浚溝洫脩墳坊之事則議其利建其功凡四方水土功諫歲  
盡則奏其殿最而行賞罰凡郊祀之事掌掃除樂器大喪則掌  
將校復土凡國有大造大疑諫諍與大尉同後漢百官志本注

下理坤道上和乾元為司空漢官解詁司空主王不言王而言空尚主之况於實乎白虎通使國無枉理法錯刑清事均民聚者謂之司空古今通語

詩司空見慣渾閑事杜牧蘇州刺史腸

古今事實

物得其所

魯定公以孔子為司空乃別五土之性而物其所生之宜咸得厥所家語

經為儒宗

漢師丹為大司空策免唐林上疏曰丹經為世儒宗德為國黃耆海內未見其大過免爵太重京師識者咸以為宜復爵邑使

奉朝請

內亞三鼎

齊孔稚圭為王敬則讓司空表曰故李通豪贍以親寵登用王基才勇以聲華入選先帝擢臣以榮華陛下申臣以富貴遂得北帶五州東跨六郡內亞三鼎外齊四岳蟬佩之映則左右交輝龜組之華則縱橫吐耀輕輪徐動則劍騎如雲飛蓋暫停則歌鐘成列縱金龍吹鬱其前鳴笳鳳管疊其後鄧禹若不遭漢光則南陽之棗史微臣若不逢明主則孤城之戍客豈可加以正台之席登以論道之寄啟黃扉而燮五緯躡青帷而調四序

職班三事

梁劉孝儀為臨川王解司空表曰臣以庸薄謏竊隆重職班三



事任總六條衣衾坐槐既闕論道馳傳懸棠尤慙為政而俯司土地仰燮陰陽今水沴乃作旱魃為災乞降茲台步協此天人

才行授官

唐長孫無忌策拜司空固辭不許又因高士廉奏曰臣幸居外戚恐招聖主私親之誚敢以死請太宗曰朕之授官必擇才行若才行不至縱朕至親亦不虛授襄邑王神符是也若才行所適雖怨讎不棄魏徵等是也朕若以無忌居后兄之愛當多遺子女金帛何須委以重官蓋是取其才行爾

忠勤具望

晉荀蕃為司空劉琨奏曰司空首蕃朝廷之舊官繼世忠勤乃心皇家具瞻之望唯蕃而已宜增位號授分陝之重

在功臣右

漢竇融拜冀州牧十餘日遷大司空融自以非舊臣一旦入朝在功臣之右召會進見容貌辭氣卑恭已甚帝以此愈親厚之得大臣節

漢牟融經明才高善論議顯宗數嗟嘆以為才堪宰相明年代伏恭為司空舉動方重甚得大臣節

儒雅有畧

晉張華彊記默識四海之內可指諸掌拜司空儒雅有畧畧盡忠匡輔雖聞主虐后之朝而海內晏然華之功也

儒者為榮

漢伏恭為太僕帝臨辟雍於行禮中拜恭為司空儒者以為榮

斷斷守善

漢謝弼上封事曰今之四公惟司空劉寵斷斷守善餘皆素餐

苛碎不為苛碎後魏伊穰拜司空及為三公清約自守為政舉大綱而已不為

不修威儀

漢第五倫為司空奉公盡節言事無依違諸子或時諫止輒叱遣之吏人奏記及便宜者亦併封上其無私如此性質少文采在位以清白稱時人方之貢禹然少醞籍不修威儀亦以此輕

不求名譽

漢任隗拜司空義行內修不求名譽以沉正見重於世

削封事彙

漢陳羣司空前後數密陳得失每上封事輒削其草時人及其子弟莫能知也論者或譏羣居位拱默羣薨正始中詔選群臣上書以為名臣奏議朝士乃見羣諫事皆歎息焉

上諫獵疏

王朗為司空文帝頗出遊獵或昏夜還宮朗上疏諫帝報曰覽表雖魏絳稱虞箴以諷晉悼相如陳猛獸以戒漢武未足以喻方今二寇未殄將帥遠征故時入原野以習戎備至於夜還之戒已詔有司施行

掃第以待

趙瑤自扶風太守來之郡司空張溫謂曰第五伯魚從蜀郡為

司空今掃吾第以待足下

去籍通客

陳寵為司空府故事以吏至時自公以下督屬籍不通賓客以防交關寵去籍通客以明無所不受論者大之

家無貨產

宋弘為大司空所得租俸分贍九族家無貨產以清行致稱

不營產業

晉司空王基著德立勳治身清素不營產業身沒行顯足用勸裕詔以奴婢二人賜其家

員郎更直

唐裴寂策司空遣尚書員外郎一人每日更直寂第其見崇貴

如此太宗祠南郊命寂與長孫無忌同昇金輅寂固辭讓太宗曰以公有佐命之勳無忌亦宣力於朕同載參乘非公而誰遂同乘而歸

金輅同昇 見前

白衣三公

漢荀爽董卓秉政徵之起嚴光九十五日而為司空時號為白衣登三公

列侯三公

魏司空闕孟康奏坊見司隸校尉崔林稟自然之正性體高雅之宏量論其所長以比古人忠直不回則史魚之儔清論守約則季文之匹遂為司空封安陽亭侯三公封列侯自林始也

便令掃除

五代馮道入朝拜司空唐制三公為加官無單拜者或云三公正宰相便合參大政又云合策授又云祭祀時便令掃除道聞之曰司空掃職也吾無所憚既而知非乃止

願上印綬

漢彭宣自御史大夫轉為司空會王莽為大司馬秉政專權宣上書言年齒老鈍數伏疾願上大司空長平侯印綬乞骸骨歸鄉里

立學士班

宋天禧四年以資政大學士太保致仕王欽若為司空職如故時欽若求侍東宮講誦以輔世兼領三少口序非便表求換秩

乃有是命止立學士班

非賞勞臣

宋熙寧二年宰臣曹公亮司徒兼侍中韓琦提舉兩朝實錄乞有不推恩上以為有例而公亮奏臣當遷司空琦太保三公非賞勞之臣從之

古今文集

雜著

除文彥博守司空依前樞密使加食邑實封制

王珪

朕若稽先王維御羣品左謀金鉉之老以經治於廟堂右屬鴻樞之良以定策於帷幄厥有成績可勿褒乎具官某風力肅明

器資恢傑臨至劇有轉圜之易定大謀如執主之堅逮事神文  
之朝已緝熙於鼎路追言聖考之遇又密勿於機廷肆涼昧之  
不承會精神於羣慮雖兵民之異本亦文武之交脩未降贊冊  
之恩曷懋圖庸之舉其保安父允釐華陽顧豈名位之私終繫  
老成之助于戲有若闕天尚迪文王之彝罔俾阿衡以專商家  
之美往篤爾烈永承于休

除呂公著守司空同平章事制

蘇軾

仁莫大於求舊智莫嚴於用衆既得天下之大老彼將安歸以  
至國人皆曰賢夫然後用今朕一舉仁智在焉宜告治朝以孚  
大號具官某訃謨經遠精識造微非堯舜不談昔聞其語以社  
稷為悅今見其心三年有成百揆時叙維乃列考相予昭陵益

清淨以寧民亦勞謙而得士凡我儀刑之老多其賓客之餘在  
武丁時雖莫追於前列作召公考固無易于象賢而乃屢實封  
童力求退避朕重失此三益之友而閑勞以萬機之煩是用遷  
平土之司釋文昌之任毋廢議論時遊明堂於戲大事雖咨于  
房喬非如晦莫能果斷重德無逾於郭令而裴度亦寄安危罔  
俾斯人專美唐世

除司空呂公著上表辭免不允批荅

蘇軾

夫國以得人為疆如猛獸之衛藜藿以積賢為寶如珠玉之茂  
山川湛然無為物自蒙利故崔公發議則淄青慙服知朝廷之  
有人蜀使抗詞則孫權回顧歎張昭之不在得失之效豈可同  
百而語哉朕之用卿意實在比國計之重可無復辭

律詩

挽宋司空

歐陽永叔

文章天下無雙譽，伯仲人間第一流。出入兩朝推舊德，周旋三事著嘉謀。從容進退聲名泰，寵錫哀榮禮數優。棠棣從來敦友愛，九原相望接松楸。

開府儀同三司

歷代沿革漢文帝元年用宋昌為衛將軍，位亞三司。章帝建初三年，使車騎將軍馬防班同三司。三司之名始此。殤帝延平元年，鄧騭為車騎將軍，儀同三司。儀同之名始此。魏黃權以車騎將軍開府，儀同三司。開府之名始此。晉羊祜為車騎將軍，開府如三司之儀。自是以後，又有如開府同三司之儀者。

自祐始馬。宋太宰已下至光祿大夫開府者為文公，大司馬以下至諸將軍開府者為武公。梁置位次三公，從一品。隋開

皇中以為四品散官。煬帝改為從十品。同漢魏之制。位次王公。唐武德改為輕車都尉。後以開封儀同三司為文散官。雖

三公三師亦必冠以此號。宋因唐節度使兼平章事號使相。元豐定官制，既罷同平章事，遂以節制開府為使相。而文武

寄祿官亦存之。元開府儀同三司從一品。

羣書要語階極儀

推相嚴震墓誌

聖王納制九命，俾尊於開

府。唐人詔令

開府崇階視儀上宰

曲阜行燕達贈使相制

班同

衮章

齊王儉拜儀同三司章

位次王公

隋宜進秩於八命，儀亞

槐庭

常衮制

班同三事

東觀記

位逾九卿，班同三府

袁宏漢紀

禮隆八命秩比三公常衮加杜見儀同制秩視三公南窓記神

夢紫霄心飛丹掖品同儀比視鉉莫殊王僧孺代表心馳紫路

登文右而莫由目送白雲拜承明而未巢江總謝儀同三司表

開府之榮名重夫矧優其禮命視於文品為第一南豐擬制臣

宅慶紫霄聯休皇極地均樓月既無迹以成高仕若乘風故不

行而自遠論其才望有愧茂弘先佩印綬常羞叔度梁庾肩吾

武陵王拜儀同章

詩句清新庾開府杜開府當朝傑杜

古今事實

歷勲文武

晉泰始八年詔曰衛將軍羊祜歷文武有佐命之勲其為車騎

將軍開府如三司之儀

著信續夷

隋何稠為散騎常侍安集嶺南欽州刺史宥猛方欲為逆至是

請身入朝稠與之約請京師後猛入朝上大悅曰何稠著信蠻

夷乃至於此以勲授開府國史補

閑居俸給

開元以前舊例開府特進雖不帶事皆給俸祿與朝會皆出官

盛德罷劇就閑者居之

不以名稱

宋璟不以名稱止曰宋開府

班同家章

王儉拜儀同三司班同衮章

位登衮職

徐孝嗣加儀同三司孝嗣聞詔歛容謂左右曰吾德慙古人位登衮職將何以堪之固辭不受齊書

寵賜帳褥

晉太始七年以鄭袤為司空稱疾上送印綬至于十數久之見許以侯就第拜儀同三司置舍人官騎賜牀帳簾褥錢五十萬

詔賜九杖

蔡謨免皇太后詔以謨為左光祿大夫儀同三司遣謂者孟洪就加冊命謨上疏陳謝遂以疾篤不朝詔賜九杖門施行馬令乘輅服

李賢遷開府儀同三司太祖西巡至原州幸賢弟讓齒而坐行鄉飲酒禮其後又至原州令賢乘輅備服儀以諸侯會遇禮相見然後幸賢第歡宴終日凡是親族頒賜有差

夢升台鉉

陳章昭達字伯通寶應初授鎮前將軍開府儀同三司初文帝夢昭達升台鉉及旦告之至是侍宴酒酣顧昭達曰卿憶夢否卿何以償對曰臣當效大馬之勞以盡臣節自餘無以奉償陳書

疇其勲績

元康詔中書監光祿大夫張華歷世腹心情所馮賴故疇其勲績使儀同三司而虛冲挹損難違高志其以光祿大夫儀同三



司本職如故

不登台司

華廩為太子少傅甚得輔導之義河南尹韓壽賈后之妹夫欲以女配廩孫陶廩拒不許深以為恨故不登台司疾篤乃進位光祿大夫儀同三司

開府千餘

北齊後王驕縱無度諸濫得富貴者將數萬人庶姓封王者百數開府千餘儀同無數馬及鷹犬乃有儀同之號開羅亦號

執笏百餘

隋高祖受禪李穆來朝高祖降坐禮之拜太師子孫雖極祿必拜儀同其一門執笏百有餘人

古今文集

雜著

除皇弟似守太保充保平鎮安等軍節度使依前開

府儀同三司蔡王制

曾肇

朕惟本朝之制厚公族之恩列第京師不忽使之去國兼榮將相未嘗責以治民豈惟致敦敘之仁抑亦隆夾輔之勢矧吾寵弟實位真王念方屬於妙齡將即安於外邸雖云哀適能不疚懷肆舉徽章用乎群聽具官出神明之胃鍾謀祝之祥氣稟溫良生知遜惕雅受圖書之習夙堅忠孝之誠桐葉疏封已侈盤維之寄棟莖致好每敦和樂之私比遵朝著之趨尚處宮隅之邃屢觀啓奏祈避禁嚴志雖莫回情實未忍思在宗之誼宜忘

原隰之哀，顧開府以時，難廢國家之典，廼蠲穀且增峻官儀，更  
兩鎮之節旌，正三師之位敘，兼陪并賦，益壯宗藩，於戲周誥，孟  
侯則曰：無康好逸，漢詔諸子亦云：無適宵人，蓋位不期，驕者人  
情之常，寵至益戒者，前哲所向往，服休命，求綏令名。

古詩

投贈哥舒開府翰二十韻

杜甫

今代麒麟閣，何人第一功。君王自神武，駕馭必英雄。開府當朝  
傑，論兵邁古風。先鋒百勝在，畧地兩隅空。青海無傳箭，天山早  
掛弓。虜庭仍走敵，魏絳已和戎。每惜河湟棄，新蕪節制通。智謀  
再睿想，出入冠諸公。日月低秦樹，乾坤繞漢宮。胡人愁逐北，宛  
馬又從東。受命邊沙遠，歸來御席空。軒墀曾寵鶴，畋獵舊非熊。

茅土知名數，山河誓始終。策行遺戰伐，契合動昭融。勲業青冥  
上，交情氣槩中。未為珠履客，已見白頭翁。壯節初題柱，生涯獨  
轉蓬。幾年春草歇，今日暮途窮。軍事留孫楚，行間識吕蒙。防身  
一長劍，將欲倚崆峒。

律詩

上開府

范純仁

三紀中書更有誰，致君堯舜似臯夔。頻年力請方歸第，天子臨  
軒冊大師。

特進

歷代公董漢制，諸侯功德優盛。朝廷所敬異者，賜位特進。位在  
三公下，故曰特進。自宣帝用太子外祖許廣漢為平恩侯，位

事文類聚新集

卷之三

二十七

惠壽堂

事類彙編卷之三十一 職官類 特進

特進而特進之名始見於此其後或領城門兵得舉吏如五  
府王商或見禮如丞相得置從事史張禹或給事中視尚書  
事薛宣或奉朝請傅喜或議大政張禹其職不一後漢皇后  
兄弟率為特進侯一漢及魏晉以為加官元康中惠帝定令  
特進位次諸公在開府驃騎上晉時位從公陳因之後魏北  
齊齊用人皆以舊德隋文帝以為散官不治事煬帝廢唐為文  
散官雖不帶職事皆給俸祿得預朝會班列依本品之次皆  
崇官盛德罷劇就閑者居之宋元豐新制改尚書左右僕射  
為特進居文階之首大觀著令非宰臣不除大觀三年修成  
中書敕令格式四十卷諸非宰臣不除特進政和開薛昂以  
觀文殿學士自時中以門下侍郎並帶特進繼改金紫光祿

大夫今後非宰臣不得除官制舊典除改非宰相不除特進  
大觀已有此法非起于政和也

特進

羣書要語

特進以加文武之德齊者

隋百官志 二百品崇階謝國

策制諸侯勲德之盛則就如特進以寵之李光顏除特進制位  
次三公居驃騎儀同之上非茂勲後德曷以處之李德裕集神  
策劉公神道 朝位特見劉阮特進制 特進崇班自共冠諸侯之  
上馮延巳制 大見信用魏魏特進仍踐其位赫赫三事躬佩其  
綬曷日太平張九齡上姚令公書

古今事實

位次三公

職官類 特進

後漢樊宏位特進次三公

榮亞三公

李德裕謝加特進狀漢制進以文見列侍清祠榮亞三公品居第二自非學深張禹功重竇融則何以膺是寵章

尊為國師

謝承後漢書云趙典尊為國師位特進寢則布被瓦器而食

為天子師

張禹雖居家以特進為天子師國家每有大政必與定議漢書

進達名士

曹勝加位特進其所進達皆海內名士

極言進諫

除識拜執金吾位特進八則極言正諫至與賓客語不及國事慕仲山甫匪躬之節所用掾吏皆天下俊哲司馬彪後漢書

特見優禮

後魏刁雍拜特進以年高特見優禮

特賜安車

後漢梁道位特進賜安車駟馬

古今文集

律詩

贈特進汝陽王

杜子美

特進羣公表天人夙德升霜蹄千里駿風翻九霄鵬學業醇儒富辭華哲匠能筆飛鸞登立童龍鳳舉騰

早稲田大学図書館

011488554087